

四庫全書

集部

欽定四庫全書

御定全唐詩卷二百十九

杜甫

石筍行

石筍在成都西門外二株雙蹲一南一北陸游曰其狀不類筍乃累石為之

君不見益州城西門陌

街一作

上石筍雙高蹲古來

一作老

作相傳是海眼苔蘚蝕

一作食

盡波濤痕雨多

一作來

往往

得瑟瑟

石筍街乃真珠樓基昔胡人立大秦寺其門十間悉以珠玉貫之為簾後摧毀故多瑟瑟乃碧

也珠此事恍惚難明論恐是昔時卿相墓

一作冢

立石為表

今仍存惜哉俗態好蒙蔽亦如小臣媚至尊政化錯迂  
失大體坐者傾危受厚恩嗟爾石筍擅虛名後來未識  
猶駿奔安得壯士擲天外使人不疑見本根

石犀行

李冰作石犀五頭以厭水精  
穿石犀溪於江南名犀牛里

君不見秦時蜀太守刻石立作三當作五犀牛自古雖有

厭勝法天生江水向一作頭東流蜀人矜誇一千載汎溢

不近張儀樓即宣州門樓今年灌口一作注損戶口此事或恐

為神羞終藉一作修築隄防出衆力高擁木石當清秋先王

作法皆正道鬼怪何得參人謀嗟爾三當作犀不經濟

缺訛只與長川逝但見元氣常一作相調和自免洪濤恣

凋瘵安得壯士一作作者提天綱再平水土犀奔一作蒼茫

### 杜鵑行

君不見昔日蜀天子化作杜鵑似老烏寄巢生子不自

啄羣鳥至今與一作為哺雛雖同君臣有舊禮骨肉滿眼

身羈孤業工竄伏深樹裏一作頭四月五月偏號呼其聲

哀痛口流血所訴何事常區區爾豈一作性摧殘始一作如

發憤羞帶羽翮傷形愚蒼天變化誰料得萬事反覆何

所無萬事反覆何所無豈憶當殿羣臣趨

上元元年七月明皇遷居

西內高力士流巫州置如仙媛於歸州玉真公主出居玉真觀明皇不憚因不如葦辟寂寞以成疾詩云骨肉滿眼身羈孤蓋謂此也

贈蜀僧閻丘師凡

原注太常博士均之孫成都人

大師銅梁秀籍籍名家孫嗚呼先博士炳靈精氣奔惟

一作昔武皇后臨軒御乾坤多士盡儒冠墨客藹雲屯

當時上紫殿不獨卿相尊世傳閻丘筆

六朝以有韻者為文無韻者為

筆所謂閣丘筆也或改筆為字謂杜審  
言以詩閣丘均以字同侍武后者誤  
峻極逾一作崐

崑鳳藏丹霄暮一作穴龍去一作出白水渾青熒雪嶺東碑

碣舊製存斯文散都邑高價越瓊璠晚看作者意妙絕

與誰論吾祖詩冠古同年蒙主恩豫章夾日月歲久空

深根小子思踈闊豈能達詞門窮愁一作秋一揮淚相遇

即諸昆我住錦官城允居祇樹園地近慰旅愁往來當

丘樊天涯歇滯雨稔稻臥不翻漂然薄遊倦始一作如與

道侶一作旅敦景晏步修廊而無車馬喧夜闌接軟語一作

夜言詞  
柔輓

落月如金盆漠漠世界黑

一作空  
一作穴

驅車爭奪繁

惟有摩尼珠可照濁水源

泛溪

落景下高堂進舟泛回溪誰謂築居小未盡喬木西遠  
郊信荒僻秋色有餘淒練練峰上雪纖纖雲表霓童戲

左右岬

一云童兒  
戲左右

罟弋畢提攜翻倒荷芰亂指揮徑路

迷得魚已割

一作  
劇

鱗采藕不洗泥人情逐鮮美物賤事

已

一作  
迹

睽吾村靄暝姿異舍雞亦棲蕭條欲何適出處

無可齊衣上見新月霜中登故畦濁醪自初熟東城多  
鼓鞀

題壁畫馬歌

一作題壁上韋偃畫歌偃京  
北人善畫馬名畫記作鷗

韋侯別我有所適知我憐君一作畫無敵戲一作拈禿

筆埽驂駒歛見麒麟出東壁一匹斲草一匹嘶坐看千  
里當霜蹄時危安得真致此與人同生亦同死

戲題畫山水圖歌

一本題下有王宰二字宰  
蜀人善畫玲瓏嵌空山水

十日畫一水五日畫一石能事不受相促迫王宰始肯



留真跡壯哉崑崙方壺

一作丈

圖挂君高堂之素壁巴陵

洞庭日本東赤

一作南

岸水與銀河通中有雲氣隨飛龍

舟人漁子入浦澈山木盡亞

一作帶

洪濤風尤工遠勢古

莫比咫尺應須論

一作行

萬里馬得并州快剪刀翦取

吳松半江水

題李尊師松樹障子歌

老夫清晨梳白頭玄都道士來相訪握髮

一作手

呼兒延

入戶手提新畫青松障障子松林靜杳冥憑軒忽若無

丹青陰崖却承

一作成

霜雪

一作露  
一作霧

榦偃蓋反走蚪龍形

老夫平生好奇古對此興與精靈聚已知仙客意相親

更覺良工心獨苦松下丈人巾屨同偶坐似一作自是商

一作南

山翁悵望

一作悵

聊歌紫芝曲時危慘澹來悲風

戲為雙松圖歌

韋偃畫

天下幾人畫古松

一作樹

畢宏

宏天寶中御  
史善畫松

已老韋偃少

絕筆長風起纖末滿堂動色嗟神妙兩株慘裂苔蘚皮

屈鐵交錯回高枝白摧朽骨龍虎死黑入太陰雷雨垂

隨一作松根胡僧憩寂寞龐眉皓首無住著偏袒右肩露

雙腳葉裏松子僧前落韋侯韋侯數相見我有一匹好

東一作素絹重之不減錦繡段已令拂拭光凌亂請公

放筆為直幹

投簡成華兩縣諸子

舊注為成都華原兩縣附郭為次赤一云咸陽華原

成乃成之誤

赤縣官曹擁材傑輓裘快馬當冰雪長安一作夜苦寒誰

獨悲杜陵野老骨欲折南山豆苗早荒穢青門瓜地新

凍裂鄉里兒童項領成朝廷故舊禮數絕自然棄擲與  
時異况乃踈頑臨事拙飢臥動即向一旬敝裘一作何衣  
奮聯百結君不見空牆日色晚此老無聲淚垂血

徐卿二子歌

君不見徐卿二子生絕竒感應吉夢相追隨孔子釋氏  
親抱送並是天上麒麟兒大兒九齡色清澈秋水為神  
玉為骨小兒五歲氣食牛滿堂賓客皆回頭吾知徐公  
百不憂積善衮衮生公侯丈夫生兒有如此二雛者名

位豈肯卑微休

一作異時名位  
豈肯卑微休

病柏

有柏生崇岡童童狀車

一作青

蓋偃蹙

一作蹙

龍虎姿主當

風雲會神明依正直故老多再拜豈知千年根中路顏

色壞出非不得地蟠據亦高大歲寒忽無憑一作用日夜

柯葉改

一作碎

丹鳳領九雛哀鳴翔其外鳴鴉志意滿養

子穿穴

一作窟

內容從何鄉來佇立久吁怪靜求元精一作

無根理浩蕩難倚賴

病橘

羣

一作伊

橘少生意雖多亦奚為惜哉結實小

一作少

酸澀

如棠梨剖

一作剖

之盡蠹蟲

一作蝕

采掇爽其

一作所

宜紛然

不適口豈只存其皮蕭蕭半死葉未忍

一作息

別故枝玄

冬霜雪積況乃回風吹嘗聞蓬萊殿羅列瀟湘姿此物

歲不稔玉食失

一作少

光輝寇盜尚憑陵當君減膳時汝

病是天意吾諗

一作愁一作敢

罪有司憶昔南

一作聞

海使奔騰

獻荔支百馬死山谷到今耆舊悲

枯椶

蜀門多椶

一作併

椶高者十八九其皮割剥甚雖衆亦易

朽徒布

一作有

如雲葉青黃歲寒後交橫集斧斤凋喪先

蒲柳傷時苦軍乏一物官盡取嗟爾江漢人生成復何

有有同枯椶木使我沈歎久死者即已休生者何

一作能

自守啾啾黃雀啁

一作啾

側見寒蓬走念爾形影乾

一作枯形

影摧殘沒藜莠

枯柟

梗杓枯崢嶸鄉黨皆莫記不知幾百歲慘慘無生意上

枝摩皇

一作蒼

天下根蟠厚地巨圍雷霆圻

一作折

萬孔蟲

蟻萃凍雨落流膠衝風奪佳氣白鵠遂不來天雞為愁

思猶含棟梁具無復霄漢

一作雲霄

志良工古昔少識者出

涕淚種榆水中央成長何容易截承金露盤裏裏不自

畏

### 麗春

百草競春華麗春應最勝少頃

一作頃

好顏色

一作色好

顏多



漫枝條賸紛紛桃李枝處處總能移如何貴此重

一作稀如

可貴却怕有人知

丈人山

山在青城縣北黃帝封青城山為五岳丈人

自為青城客不唾

古詩千里不唾井

青城地為愛丈人山丹梯

近幽意丈人祠西佳氣濃緣雲擬住最高峰埽除白髮黃精在君看他時冰雪容

百憂集行

王筠詩百憂俱集斷人腸

憶年一作昔十五心尚孩健如黃犢走復來庭前八月梨

棗熟一日上樹能千回即今條忽已五

一作年  
纔五六

十坐臥

只多少行立強將笑語供主人悲見生涯百憂集入門  
依舊四壁空老妻覩我顏色同癡兒未知父子禮叫怒

索飯啼門東

庖厨之  
門在東

戲作花卿歌

上元二年梓州刺史段子璋反襲  
東川節度使李奐於縣州自稱梁

王改元成都尹崔光遠率將花  
驚定攻拔之斬子璋奐得復位

成都猛將有花卿學語小兒知姓名用如快鶻風火生  
見賊唯多身始輕縣州副使著柘

一作  
楮

黃我卿埽除即

日平子章

一作璋

髑髏血糝糊手提擲還崔大夫李侯重

有此節度人道我鄉絕世

一作代

無既稱絕世無天子何

不喚取守京都

入秦行贈西山檢察使竇侍御

朱長孺曰明皇自蜀還於縣並

二州各置一節度百姓勞故高適為蜀州刺史請罷東川以一劍南甫為王進論巴蜀情形表

亦與適合此行入秦疑謂此

竇侍御驥之子鳳之雛年未三十忠義俱骨鯁絕代無

炯如一段清冰出萬壑置在迎風寒露

一作露寒

之玉壺蔗

漿歸厨金盃凍洗滌煩熱足以寧君軀政一作整用踈通

合典則戚聯豪貴耽文儒兵革一作甲兵未息人未蘇天子

亦念西南隅吐蕃憑陵氣頗麤竇氏檢察應時須一作才能

俱運糧繩橋壯士喜斬木火井窮一作寒猿呼八州刺史

思一戰三城守邊却可圖劔南西川節度統松維恭蓬  
惟黎姚悉八州姚維松三州

當吐蕃衝要一云彭州有三守捉城又有  
七盤安遠龍溪三城皆在茂州界上也此行入奏計

未小密奉聖旨恩宜一作應殊繡衣春當一作飄飄霄漢立綵

服日向一作架架庭闈趨一本此下有開濟人  
所仰飛騰正時須省郎京尹必

俯拾

一作相付

江花未落還成都江花未落還成都

一本無此疊句

一作還成都多暇

宥訪浣花老翁無

一作公來宥訪浣花老

為君酌

一作酌

酒滿眼酌

二句一云搗酒宥訪浣花老為君著衫持髭鬚

與奴白飯馬青芻

一本

無此句

柵

一作高

樹為風雨所拔歎

倚江柵樹草堂前故

一作古

老相傳二百年誅茅卜居總

為此五月髣髴聞寒蟬東南飄風動地至江翻石走流

雲氣幹

一作幹

排雷雨猶力爭根斷泉源豈天意滄波

一作

蒼老樹性所愛浦上童童一青一作蒼茫蓋野客頻留懼雪

霜行人不過聽竽籟虎倒龍顛委榛一作荆棘淚痕血點

垂冑臆我有新詩何處吟草堂自此無顏色

茅屋為秋風所破歌

八月秋高風怒號卷我屋上三重茅飛度江灑一作滿

江郊高者挂冑長林梢下者飄轉沈塘一作堂坳南邨羣

童欺我老無力忍能對面為盜賊公然抱茅入竹去脣

焦口燥呼不得歸來倚杖自歎息俄頃風定雲墨色秋

天漠漠向昏黑布衾多年冷似一作象鐵驕兒惡臥蹋裏

裂牀牀

一作頭

屋漏無乾處雨脚如麻未斷絕自經喪亂

少睡眠長夜霑濕何由徹安得廣廈千萬間大庇天下

寒士俱歡顏風雨不動安如山嗚呼何時眼前突兀見

此屋吾廬獨破

一作壞

受凍死

一作意

亦足

### 大雨

西蜀冬不雪春農尚嗷嗷上天回哀眷朱一作清夏雲鬱

陶執熱乃沸鼎織絺成縵袍風雷颯萬里霑澤施蓬蒿

敢辭茅葺漏已喜黍豆高三日無行人二一作江聲怒

號流惡邑里清矧茲遠江準荒庭步鶴鶴隱几望波濤

沈疴聚藥餌頓忘所進勞則知潤物功可以貸不毛陰

色靜隴畝勸耕自官曹四鄰耒耜出一作出耒耜何必吾家

操

溪漲

當時浣花橋溪水纔尺餘白石一作日明可把水中有行

車秋夏忽泛溢豈惟一作伊入吾廬蛟龍亦狼狽況是鼈



與魚茲晨已半落歸路跬步踈馬嘶未敢動前有深填

一作

淤青青屋東麻散亂牀上書不意

一作知

遠山雨夜

來復何如我遊都市間

一作

晚憩必村墟乃知久行客

終日思其居

戲贈友二首

元年建巳月

是月代宗改元復以建巳月為四月

郎有焦校書自誇足膂

力能騎生馬駒一朝被馬蹋脣裂版齒無壯心不肖已

欲得東擒胡

元年建巳月官有王司直馬驚折左臂骨折面如墨驚  
駘漫一作慢深一作染泥何不避雨色勸君休歎恨未必不  
為福

遭田父泥飲美嚴中丞

步屣隨春風邛邛自花柳田翁逼社日邀我嘗春酒酒  
酣誇新尹畜眼未見有回頭指大男渠是弓弩手名在  
飛騎籍長番歲時久前日放營農辛苦救衰朽差科死  
則已誓不舉家走今年大作社拾遺能住否叫婦開大

餅盆中為吾取感此氣揚揚須知風化首語多雖雜亂  
說尹終在口朝來偶然出自外將及酉久客惜人情如  
何拒鄰叟高聲索果栗欲起時被肘指揮過無禮未覺  
村野醜月出遮我留仍嗔問升斗

喜雨

春旱天地昏日色赤如血農事都已

一作未

休兵戈況騷

屑巴人困軍須慟哭厚土熱滄江夜來雨真宰罪一雪

穀根小

一作少

蘇息沴氣終不滅何由見寧歲解我憂思

結崢嶸羣

一作東

山雲交會未斷絕安得鞭雷公滂汶洗

吳越

原注時聞浙右多盜

### 漁陽

漁陽突騎猶精銳赫赫雍王都

一作前

節制猛將飄然恐

後時本朝不入非高計祿山北築雄武城舊防敗走歸

其營繫書請問燕耆舊今日何須十萬兵

寶應元年九月魯王迺改

封雍王為天下兵馬元帥統河東朔方及諸道行營回紇等兵十餘萬討史朝義會兵於陝州甫在梓聞王授鉞作此詩以諷河北諸將飄然而來猶恐後時乃擁兵不朝豈高計乎未又舉祿山往事以戒之

天邊行

天邊老人歸未得日暮東臨大江哭隴右河源不種田  
胡騎羗兵入巴蜀洪濤滔天風拔木前飛禿鷲後鴻一作  
黃鵠九度附書向洛陽十年骨肉無消息

大麥行

大麥乾枯小麥黃婦女一作行泣夫走藏東至集壁西

梁洋

四州皆屬山南西道

問誰腰鎌胡與羗豈無蜀兵三千人部

一作薄領辛苦江山長安得如鳥有羽翅託身白雲還故

鄉

苦戰行

苦戰身死馬將軍自云伏波之子孫干戈未定失壯士

使我歎恨傷精魂去年江南

一作南行

討狂賊臨江把臂難

再得別時孤雲今不飛時獨看雲淚橫臆

遂州在涪江少南故曰江

南蓋必死於段  
子璋之亂者

去秋行

去秋涪江水落時臂槍

一作蒼

走馬誰家兒到今不知白

骨處部曲有去皆無歸遂州城中漢節在遂州城外巴  
人稀戰場冤魂每夜哭空令野營猛士悲

述古三首

赤驥頓長纓非無萬里姿悲鳴淚至地為問馭者誰鳳

皇從東

一作天

來何意復高飛竹花不結實念子忍朝飢

古時君臣合可以物理推賢人識定分進退

一作用

固一作


因其宜

市人日中集於利競錐刀置膏烈火上哀哀自煎熬農

人望歲稔相率除蓬蒿所務穀一作農為本邪贏無乃勞

舜舉十六相身尊道何高秦時任商鞅法令如牛毛

漢光得天下祚永固有開豈惟高祖聖功自蕭曹來經  
綸中興業何代無長才吾慕寇鄧勲濟時信良哉耿賈  
亦宗臣羽翼共裴回休運終四百圖畫在雲臺





御定全唐詩卷二百十九

欽定四庫全書

集部

御定全唐詩卷二百二十一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣鮑之鍾

謄錄監生臣黃譽

欽定四庫全書

御定全唐詩卷二百二十

杜甫

觀打魚歌

緜州江水之

水一作

東津魴魚鰓鰓色勝銀漁人漾舟沈

大網截江一擁數百鱗衆魚常才盡却棄赤鯉騰出如

有神潛龍無聲老蛟怒回

西一作

風颯颯吹沙塵饗子左

右揮雙刀膾飛金盤白雪高徐州禿尾

即鯽似魴而大頭

不足

憶一作惜漢陰槎頭遠遁逃魴魚肥美知第一既飽歡娛

亦蕭瑟君不見朝來割素鬢咫尺波濤永相失

又觀打魚

蒼江魚一作漁子清晨集設網提綱萬一作取魚急能者操

舟疾若風撐突波濤挺叉入小魚脫漏不可記一作紀半

死半生猶戢戢大魚傷損皆垂頭屈強泥沙一作沙頭有時

立東津觀魚已再來主人罷鱸還傾杯日暮蛟龍改窟

穴山根鱸鮓隨雲雷干戈兵革鬪未止一作干戈格鬪尚未已鳳

鳳麒麟安在哉吾徒胡為縱此樂暴殄天物聖所哀

越王樓歌

太宗子越王貞為絳州刺史  
作臺於州城西北樓在臺上

絳州州府何磊落顯慶年中越王作孤城西北起高樓  
碧瓦朱甍照城郭樓下長江百丈清山頭落日半輪明  
君王舊跡令人賞轉見千秋萬古情

海棕行

亦授類但不皮而幹葉叢於杪一云  
波斯棗木無旁枝三五年一著子

左縣公館清江濱海棕一株高入雲龍鱗犀甲相錯落  
蒼稜白皮十把文自一作是衆木亂紛紛海棕焉知身

出羣移栽北辰不可得時有西域胡僧識

姜楚公畫角鷹歌

姜皎上邗人善畫鷹鳥官至太常封楚國公

楚公畫鷹鷹戴角殺氣森森

一作如

到幽朔觀者貪愁

一作

徒掣臂

一作

飛畫師不是無心學此鷹寫真在左縣却

嗟真骨遂虛傳梁間燕雀休驚怕亦未搏空上九天

相逢歌

一作

贈嚴二別駕

一作嚴別駕相逢歌

我行入東川十步一回首成都亂罷氣蕭颯

一作瑟一作索

花草堂亦何有梓中

一作

豪俊

一作

大者誰本州從事

知名久把臂開尊飲我酒酒酣擊劍蛟龍吼烏帽拂塵

青螺

一作螺

粟紫衣將炙緋衣走銅盤燒蠟光

一作炎

吐日

夜如何其初促邴黃昏始扣主人門誰謂俄頃

一作我傾膠

在漆萬事盡付形骸外百年未見

一作及

歡娛畢神傾意

豁真佳士久客多憂今愈疾高視乾坤又可

一作何

愁一

軀

一作體

交態同

一作真

悠悠垂老遇君未恨晚似君須向

古人求

光祿坂

在梓州銅山縣

行

山行落日下絕壁西望千山萬山水一作赤樹枝有鳥亂

鳴棲一作時暝色無人獨歸客馬驚不憂深谷墜草動只

怕長弓射安得更似開元中道路即今多一作擁隔

冬到金華山觀因得故拾遺陳公學堂遺跡陳子

昂射洪人少讀書金華山後節度使李叔明為立旌德碑於山之讀書堂側

涪右衆山內金華紫崔嵬上有蔚藍天垂光抱瓊臺繫

舟接絕壁杖策窮縈回四顧俯層巔澹然川谷開雪嶺

日色一作死霜鴻有餘哀焚香玉女跪霧裏仙人來陳



公讀書堂石柱仄青苔悲風為我起激烈傷雄才

陳拾遺故宅

宅在射洪縣東  
七里東武山下

拾遺平昔居大屋

一作宅

尚修椽悠揚

一作悠

荒山日慘澹

一作崔萃

故園

一作園

煙位下曷足傷所貴者聖賢有才繼騷

雅哲匠不比肩公生揚馬後名與日月懸同遊英俊人

多秉輔佐權彥昭

趙彥昭字真然甘州人  
與郭元振張說相友善

趙一作趙

玉價

郭振起通泉

元振為通泉尉

到今素壁滑灑翰銀鈎連盛事會

一時此堂豈千年終古立

一作占

忠義感遇有遺編

謁文公上方

野寺隱喬木山僧高下居石門日色異絳氣橫扶踈竊

一作  
宵

窈入風磴長蘆紛卷舒庭前猛虎臥遂得文公廬

俯視萬家邑煙塵對階除吾師雨花外不下十年餘長

者自布金禪龕只晏如大

一作  
火

珠脫玷翳白月

一作  
日

當

空虛甫也南北人蕪蔓少耘鋤久遭詩酒污何事忝簪

裾王侯與螻蟻同盡隨丘墟願聞第一義回向心地初

金篦刮眼膜價重百車渠無生有汲引茲理儻吹噓

奉贈射洪李四丈

明甫

丈人屋上烏人好烏亦好人生意氣豁不在相逢早南  
京亂初定所向邑一作色枯槁遊子無根株茅齋付秋草  
東征下月峽挂席窮海島萬里湏十金妻孥未相保蒼  
茫風塵際蹭蹬騏驎老志士懷感傷心胸已傾倒

早發射洪縣南途中作

將老憂貧窶筋力豈能及征途乃

一作後一作復

侵星得使諸

病人鄙人寡道氣在困無獨立倣裝逐徒旅達曙

一作曉

凌險澀寒日出霧遲清江轉山急僕夫行不進駑馬若

一作苦

維繫汀洲稍疏散風景開快

一作悵

空慰所尚懷

終非曩遊集衰顏偶一破勝事難屢

一作皆空

挹茫然阮籍

途更灑揚朱泣

通泉驛南去通泉縣十五里山水作

溪行衣自濕亭午氣始散冬溫蚊蚋在

一作集

人遠鳧鴨

亂登頓生曾陰歌傾出高岸驛樓衰柳側縣郭輕煙畔

一川何綺麗盡目

一作日

窮壯觀山色遠寂莫江光夕滋

漫傷

一作知

時媿孔父去國同王粲我生苦飄零所歷有

嗟歎

過郭代公故宅

郭元振貴鄉人宅在京師宣陽里此當是尉通泉時所居

豪俊初未遇其跡或脫略代公尉通泉放意何自若及

夫登袞冕直氣森噴薄

一本此下有精魄凜如在所歷終蕭索

磊落見異

人豈伊常情度定策神龍後

先天二年明皇誅太平公主睿宗御承天門大臣俱

走匿獨郭元振總兵扈宿禁中事定封代國公此云神龍蓋太平擅寵亂政禍胎在神龍時也

宮中翕

清廓俄頃辨尊親指揮存顧託羣公有

一作見

慙色王室

無削弱迴出名臣上丹青照臺閣我行得遺跡

一作址池

館皆疏鑿壯公臨事斷碩步涕橫落

草堂本精魄凜如在一聯在此下

高詠寶劔篇神交付冥漠

武后索其文上寶劔篇

觀薛稷少保書畫

薛汾陰人工書畫官至太子少保封晉國公以太平

公主亂坐知謀賜死

少保有古風得之陝郊篇

稷秋日還京詩云驅車越陝郊

惜哉功名忤

但見書畫傳我游梓州東遺跡涪江邊畫藏青蓮界書

入金榜懸仰看垂露姿不崩亦不寫鬱鬱三大字

通泉壽聖

寺聚古堂有薛稷所書  
慧普寺三字徑三尺蛟龍岌相纏又揮西方變發地

扶屋椽慘澹壁飛動到今色未填此行疊壯觀郭薛俱  
才賢不知百載後誰復來通泉

通泉縣署屋壁後薛少保畫鶴

稷尤善畫鶴屏風六扇鶴樣自

始稷

薛公十一鶴皆寫青田

青田有雙白鶴年年生子長大便去只餘二老鶴在耳多云神

仙所養

真畫色久欲盡蒼然猶出塵低昂各有意磊落如

長人佳此志氣遠豈惟粉墨新萬里不以力羣遊森會

神威遲白鳳態非是倉庚鄰高堂未傾覆常一作得慰

嘉賓曝露牆壁外終嗟風雨頻赤霄有真骨恥飲滂池

津冥冥任所往脫略誰能馴

陪王侍御同登東山最高頂宴姚通泉晚攜酒

泛江東山在潼川涪江上

姚公美政誰與儔不減昔時陳太丘邑中上客有柱史  
多暇日陪驄馬遊東山高頂羅珍羞下顧城郭銷我憂  
清江白日落欲盡復攜美人登綵舟笛聲憤怨一作哀



中流妙舞逶迤夜未休燈前往往大魚出聽曲低昂如  
有求三更風起寒浪湧取樂喧呼覺船重滿空星河光  
破碎四座賓客色不動請公臨深一作江莫相違回船罷  
酒上馬歸人生歡會豈有極無使霜過一作露霑人衣

春日戲題惱郝使君兄一本無

允字

使君意

一作俊

氣凌青霄憶昨歡娛常見招細馬時鳴金

腰裏佳人屢出董嬌饒

一作姚

東流江水西飛燕可惜春

光不相見願攜王趙兩紅顏再騁肌膚如素練通泉百

里近梓州請

一作諸

公一來開我愁舞處重看花滿面尊

前還有錦纏頭

短歌行贈王郎司直

草堂本此首編入大歷三年以詩中仲宣樓頭之句

宜客荊州時作也

王郎酒酣拔劍斫地歌莫哀我能拔爾抑塞磊落之奇

才豫章翻風白日動鯨魚跋浪滄溟開且脫佩劍

一作劍佩

休裘回西得諸侯擢錦水欲向何門跋

一作颯

珠履仲宣

樓頭春色

一作巳

深青眼高歌望吾子眼中之人吾老矣

短歌行送祁錄事歸合一作州因寄蘇使君

前者途中一相見人事經年記君面後生相勸一作何

寂寥君有長才不貧賤君今起柁春江流余亦沙邊具

小舟幸為達書賢府主江花未盡會江樓

陪章留後惠義寺餞嘉州崔都督赴州節度使朝覲擇

置留後一人時章  
彛為梓州留後

中軍待上客令肅事有恒前驅入寶地祖帳飄金繩南

陌一作既留歡茲山亦深登清聞樹杪磬遠謁雲端僧

回策匪新岸

一作崖

所攀仍舊藤耳激洞門颯目存寒谷

冰出塵悶軌躅畢景遺炎蒸永願坐長夏將衰棲大乘

羈旅惜宴會艱難懷友朋勞生共幾何離恨兼相仍

將適吳楚留別章使君留後兼幕府諸公得柳

字

我

一作甫

來入蜀門歲月亦已久豈惟長兒童自覺成老

醜常恐性坦率失身為杯酒近辭痛飲徒折節萬夫

一作

人後昔如

一作若

縱壑魚今如喪家狗既無遊方戀行止

復何有相逢半新故取別隨薄厚不意青草湖扁舟落  
吾手眷眷章梓州開筵俯高柳樓前出騎馬帳下羅賓  
友健兒簸紅旗此樂或一作幾難朽日車隱崑崙烏雀噪  
戶牖波濤未足畏一作慰三峽徒雷吼所憂盜賊多重見  
衣冠走中原消息斷黃屋今安否終作適荆蠻安排用  
莊叟隨雲拜東皇挂席上南斗有使即寄書無使長回  
首

山寺

原注得開字  
章留後同遊

野寺根

一作限

石鐸諸龕徧崔嵬前佛不復辨百身一莓

苔雖

一作惟

有古殿存世尊亦塵埃如聞龍象泣足令信

者哀使君騎紫馬捧擁從西來樹羽靜千里臨江久襄

回山僧衣藍縷告訴棟梁摧公為顧

一作領

賓徒

一作從一作兵

從吐嗟擅施開吾知多羅樹却倚蓮華臺諸天必歡喜

鬼物無嫌猜以茲撫士卒孰曰非周才窮子失淨處法

華經高人憂禍胎歲晏風破肉荒林寒可迴思量入一作人

道苦自哂同嬰孩

梭拂子

梭拂且薄陋豈知身效能不堪代白羽有足除蒼

一作青

蠅熒熒金錯刀擢擢朱絲繩非獨顏色好亦用

一作由顧

盼稱吾老抱疾病家貧卧炎蒸啞膚倦撲滅賴爾甘服  
膺物微世競棄義在誰甯徵三歲清秋至未敢闕緘滕

桃竹杖引贈章留後

竹魚可為  
算名桃笙

江心

一作上

蟠石生桃竹蒼波噴浸尺度足斬根削皮如

紫玉江妃水仙惜不得梓潼使君

一作者

開一束滿堂賓

客皆歎息憐我老病贈兩莖出入爪甲鏗有聲老夫復

欲東南征乘濤鼓柁一作棹白帝城路幽必為鬼神奪拔

一作仗劔或與蛟龍爭重為告曰杖兮杖兮爾之生也甚

正直慎勿見水踴躍學變化為龍使我不得爾之扶持

滅跡於君山湖上之青峰噫風塵瀕一作鴻洞兮豺虎齧

人忽失雙杖兮吾將曷從

寄題江外草堂

原注梓州作  
寄成都故居

我生性放誕雅欲逃自然嗜酒愛風一作修竹卜居必一作



此林泉遭亂到蜀江臥疴遣一作遺所便誅茅初一畝廣

地方一作必連延經營上元始斷手寶應年敢謀土木麗

自覺面勢堅一作賢臺亭一作亭臺隨高下敞豁當清川一作雖

惟有會心侶數能同釣船干戈未偃息安得酣歌眠蛟

龍無定窟黃鵠摩蒼天古來達士志一作賢寧受外物

牽顧惟魯鈍姿豈識悔吝先偶攜老妻去慘澹凌風煙

事跡無固必幽貞媿雙全尚念四小松蔓草易一作已拘

纏霜骨不甚長永為鄰里憐

韋諷錄事宅觀曹將軍畫馬圖

一本下有歌字  
一本有引字曹

霸官左武  
衛將軍

國初已來畫鞍馬神妙獨數江都王

江都王緒霍王  
元軌子善書畫將

軍得名三

一作四

十載人間又見真乘黃曾貌先帝照夜

白龍池十日飛霹靂內府殷紅馬腦盃

一作盤

健仔傳詔

才人索盃賜將軍拜舞歸輕紈細綺相追飛

一作隨

貴戚

權門得筆跡始覺屏障生光輝昔日太宗拳毛騮

太宗  
六駿

五曰拳毛騮平  
劉黑闥所乘

近時郭家師子花今之新畫

一作畫

圖有二

馬復令識者久歎嗟此皆騎戰一敵萬縞素漠漠開風  
沙其餘七匹亦殊絕迥若寒空動煙雪霜蹄蹴蹋長楸  
間馬官廨養森成列可憐九馬

曹將軍九馬圖  
後藏薛紹彭家

爭神駿

顧視清高氣深穩借問苦心愛者誰後有韋諷前支遁  
憶昔巡幸新豐宮翠華拂天來向東騰驤磊落三萬匹  
皆與此圖筋骨同自從獻寶朝河宗

用穆天子  
西征事

無復射

蛟江水中

用漢武帝事

君不見金粟

明皇泰陵在奉  
先縣金粟山

堆前松

柏裏龍媒去盡鳥呼風

送韋諷上閩州錄事參軍

國步猶艱難，兵革未衰息。萬方哀

一作尚

嗷嗷十載

一作年

供軍食，庶官務。割剝不暇憂，反側誅求何多門。賢者貴

為德

一作賢俊  
媿為力

韋生富，春秋洞徹。有清識，操持紀綱。地

喜見朱絲直當令

一作因循

豪奪吏自此無顏色。必若救瘡

痍，先應去蝨賊。揮淚臨大江，高天意悽惻。行行樹佳政

慰我深相憶

丹青引贈曹將軍霸

將軍魏武之子孫於今為庶為清門英雄割據雖一作皆

已矣文彩風流猶

一作今

尚存學書初學衛夫人

衛夫人名鑠

之女李矩妻學書於鍾繇

但恨無

一作未

過王右軍

王羲之學書於衛夫人

丹青

不知老將至富貴於我如浮雲開元之中

一作年

常引見

承恩數上南薰殿凌煙功臣少顏色將軍下筆開生面

當是重畫

良相頭上進賢冠猛將腰間大羽箭褒公鄂公貞觀

十七年詔闡立本畫凌煙閣功臣二十四人鄂國公尉遲敬德第七褒國公段志玄第十

毛髮動英

姿颯爽

一作颯

來

一作猶

酣戰先帝天

一作御

馬玉花驄畫工

如山貌不同是日牽來赤墀下迴

一作

立閭闔生長風

詔謂將軍拂絹素意

一作

匠慘澹經營中斯須九重真

龍出一洗萬古凡馬空玉花却在御榻上榻上庭前屹

相向

明皇好大馬西域大宛歲有獻貢命悉圖其駿

至尊含笑催賜金圉人太

僕皆惆悵弟子韓幹

幹大梁人初師曹霸後入供奉令師陳閎對曰陛下內廐馬乃臣師

也早入室亦能畫馬窮殊相

一作

幹惟畫肉不畫骨忍

使驊騮氣凋喪將軍畫

一作

善

一作妙一作善畫

盖有神必作

偶逢佳士亦寫真即今飄泊干戈際屢貌尋常行路人

途窮反遭俗眼白世上未有如公貧一作他富至但看  
古來盛名下終日坎壈纏其身

閬州東樓筵奉送十一舅往青城縣得昏字

曾城有高樓一作會制古丹腹存迢迢百餘尺豁達開四

門東樓在保寧府治南嘉陵江上雖有一一作會車馬客而無人世喧遊目

俯大江列筵慰別魂是時秋冬交節往顏色昏天寒鳥

獸休一作伏霜露在草根今我送舅氏萬感集清尊豈伊

山川間回首盜賊繁高賢意不暇王命久崩奔臨風欲

慟哭聲出已復吞

嚴氏溪放歌行

溪在閬州東百餘里

天下甲

一作兵

馬未盡銷豈免溝壑常漂漂劔南歲月不

可度邊頭公卿仍獨

一作何其

驕費心姑息是一役肥肉大

酒徒相要嗚呼古人已糞土獨覺志士甘漁樵况我飄

轉

一作蓬

無定所終日憾憾忍羈旅秋宿

一作夜

霜一作清溪

素月高喜得與子長夜語東遊西還力實倦從此將身  
更何許知子松根長茯苓遲暮有意來同煮



南池

在閬中縣東南  
即彭道將魚池

崢嶸巴閬間所向盡山谷安知有蒼池萬頃浸坤軸呀

然閬城南枕

一作控

帶巴江腹芰荷入異縣稞稻共比屋

皇天不無意美利戒止足高田失西成此物頗豐熟清

源多衆魚遠岸富喬木獨歎楓香林春時好顏色南有

漢王

一作主祠

池在漢高祖廟旁

終朝走巫祝歌舞散靈衣荒哉

舊風俗高堂

一作皇

亦明王魂魄猶正直不應空陂上縹

緲親酒食淫祀自古昔非唯一川瀆干戈浩茫茫地僻

傷極目平生江海

一作溟渤

興遭亂身局促駐馬問漁舟躋

踏慰羈束

發閭中

前有毒蛇後猛虎溪行盡日無邨塢江風蕭蕭雲拂地  
山木慘慘天欲雨女病妻憂歸意速一作急秋風錦石誰

復一作能

數別家三月一得書

一作書來

避地何時免愁苦

寄韓諫議

舊本有注字一云注乃法之誤韓休之子法上元中為諫議大夫此詩為

李泌隱衡山而作欲諫議貢薦之也

今我不樂思岳陽身欲奮飛病在牀美人娟娟隔秋水

濯足洞庭望八荒鴻飛冥冥日月白青楓葉赤天雨一作

飛霜玉京羣帝集北斗或騎麒麟翳鳳皇芙蓉旌旗一作

旄煙霧樂一作落影動倒景搖瀟湘星宮之君醉瓊漿羽

人稀少不在旁似聞昨者一作夜赤松子恐是漢代韓張

良昔隨劉氏定長安帷幄未改神慘傷國家成敗吾豈

敢色難腥腐餐風一作楓香周南留滯古所一作莫惜南極

老人應壽昌美人胡為隔秋水焉得置之貢玉堂

憶昔二首

憶昔先皇

謂肅宗

巡朔方千乘萬騎入咸陽陰山驕子汗

血馬長驅東胡胡走藏鄴城反覆不足怪關中小兒

李輔

國閑廐馬家小兒

壞紀綱張后不樂上為忙至今今上

謂代宗

猶

撥亂勞身焦思補四方我昔近侍叨奉引出兵

一作兵出

整

肅不可當

一作忘

為留猛士守未央致使岐雍防西羗犬

戎直來坐御牀百官跣足隨天王

程元振數譖郭子儀遂解兵柄乾元後數

年邠鳳西北盡陷蕃戎代宗幸陝詩蓋指此

願見北地傅介子老儒不用尚

書郎

憶昔開元全盛日小邑猶藏萬家室稻米流脂粟米白

公私倉廩俱豐

一作富

實九州道路無豺虎

一作狼

遠行

不勞吉日出齊紈魯編車班班男耕女桑不相失宮中

聖人奏雲門天下朋友皆膠漆百餘年間未災變叔孫

禮樂蕭何律豈聞一絹直萬錢有田種穀今流血洛陽

宮殿燒焚盡宗廟新除狐兔穴傷心不忍問耆舊復恐

初從亂離說小臣魯鈍無所能朝廷記識蒙祿秩周宣

中興望我皇灑血

一作淚

江漢身

一作長

衰疾

冬狩行

原注時梓州刺史章彝兼侍御史留後東川

君不見東川節度兵馬雄校獵亦似觀成功夜發猛士

三千人清晨合圍步驟同禽獸已斃十七八殺聲落日

回蒼穹幕前生致九青兕駝蟲崖垂玄熊東西南北

百里間髣髴蹴蹋寒山空有鳥名鸚鵡力不能高飛逐

走蓬肉味不足登鼎俎何為見羈虞羅中春蒐冬狩侯

一作候

得同使君五馬一馬驄

彝兼侍御故云一馬驄

況今攝行大

將權號令頗有前賢風飄然時危一老翁十年厭見旌  
旗紅喜君士卒甚整肅為我回轡擒西戎草中狐兔盡  
何益天子不在咸陽宮朝廷雖無幽王禍得不哀痛塵  
再蒙嗚呼得不哀痛塵再蒙時代宗幸陝詔徵天下兵  
無一人應召者故感激言  
之

自平

自平宮中

一作中宮  
一作中官

呂太一

中使呂太乙為市舶  
使矯詔募兵作亂

收珠

南海千餘日近供生犀翡翠稀復恐征戎一作

干戈密

蠻溪豪族小

一作山

動搖世封刺史非時

一作常

朝蓬萊殿

前

一作裏

諸主將才如伏波不得驕

釋悶

四海十年不解兵

一作戎

也復臨咸京失道非關出

襄野

黃帝將見大隗至襄城之野

揚鞭忽是過胡

一作湖

城

即今蕪湖晉明帝察

王敦軍於湖在當塗縣

豺狼塞路人斷絕烽火照夜屍縱橫天子

亦應厭奔走羣公固合思升平但恐誅求不改轍聞道

嬖孽能

一作今

全生江邊老翁錯料事眼暗不見風塵清



贈別賀蘭鈞

黃雀飽野粟，羣飛動荆榛。今君一作吾抱何恨，寂莫向時

人。老驥倦驤首，蒼一作饑鷹愁易馴。高賢世未識，固合嬰

飢。貧國步初返，正代宗辛乾坤尚風塵。悲歌鬢髮白，遠

赴湘。吳春我戀岷，下芋君思千里。千里湖在尊生離與

死別，自古鼻酸辛。

別唐十五誠，因寄禮部賈侍郎。賈至

九載一相逢，百年能幾何。復為萬里別，送子山之阿。白

鶴久同林潛魚本同河未知棲集期衰老強高歌歌罷  
兩悽惻六龍忽蹉跎相視髮皓白沉難駐羲和胡星墜  
燕地漢將仍橫戈蕭條四海內人少豺虎多少人慎莫  
投多虎信所過飢有易子食獸猶畏虞羅子負經濟才  
天門鬱嵯峨飄颻一作飄適東周來往若一作亦崩波南宮  
吾故人白馬金盤陀雄筆映千古見賢心靡一作匪他念  
子善師事歲寒守舊柯為吾謝賈公病肺臥江沱

閬山歌

閬州城東靈

一作雪

山白閬州城北玉臺

一作壺

碧松浮欲

盡不盡雲江動將崩未

一作已

崩石那知根無鬼神會已

覺氣與嵩華敵中原格鬪且未歸應結茅齋着

一作著一作應

著茅齋向青壁

### 閬水歌

嘉陵江色

一作山

何所似石黛碧玉相因依正憐日破浪

花

一作閬山

出更復春從沙際歸巴童蕩漿敲側過水雞銜

魚來去飛閬中勝事可腸斷閬州城南天下稀

草堂

昔我去草堂蠻夷塞成都今我歸草堂成

一作此

都適無

虞請陳初亂時反復乃須臾

一作斯須

大將赴朝廷羣小起

異圖

初嚴武入朝徐知道反旋為其下李忠厚所殺

中宵斬白馬盟歃氣已麤麤

西取邛南兵北斷劔閣隅布衣數十人亦擁專城居其

勢不兩大始聞蕃漢殊西卒却倒戈賊臣互相誅焉知

肘腋禍自及梟獍

一作鏡

徒義士皆痛憤紀綱亂相踰一

國實三公萬人欲為魚唱和作威福孰肯

一作能

辨無辜

眼前列杻械背後吹笙竽談笑行殺戮一作流濺血滿長

衢到今用鉞地風雨聞號呼鬼一作人妾與鬼馬色悲充

爾娛國家法令在此又足驚吁賤子且奔走三年望東

吳弧矢暗江海難為遊五湖不忍竟舍此復來雜榛蕪

入門四松在步屨萬竹踈舊犬喜我歸低徊入衣裾鄰

舍喜我歸酌酒攜胡蘆一作提大官喜一作知我來遣騎

問所須城郭喜一作知我來賓客隘一作溢村墟天下尚未

寧健兒勝腐儒飄颻一作飄風塵際何地置一作致老夫於

時見一作是疣贅骨髓幸未枯飲啄媿殘生食薇不敢餘

四松

四松初移時大抵三尺強別來忽三載一作歲離立如人

長會看根不拔莫計枝凋傷幽色幸一作會秀發踈柯亦

一作已昂藏所插小藩籬本亦有隄防終然振撥損得恹

一作媿千葉黃敢為故林主黎庶猶未康避賊今始歸春

草滿空堂覽物歎衰謝及茲慰淒涼清風為我起灑面

若微霜足以一作為送老姿一作資聊待一作將偃蓋張我生

無根帶

一作帶

配爾

一作汝

亦茫茫有情且賦詩  
事迹可兩

一作兩可忘勿矜千載後  
慘澹蟠穹蒼

### 水檻

蒼江多風颺雲雨  
晝夜飛茅軒  
駕巨浪焉得不低垂  
遊子久在外門戶  
無人持高岸尚如

一作為

谷何傷浮柱歌

扶顛有勸誠  
恐貽識者嗤  
既殊大厦傾  
可以一木支  
臨川視萬里  
何必闌檻為  
人生感故物  
慷慨有餘悲

### 破船

平生江海心宿昔具扁舟  
豈惟青溪上日傍柴門遊  
蒼皇避亂兵緬邈懷舊丘  
鄰人亦已非野竹獨修修  
船舫不重扣埋沒已經秋  
仰看西飛翼下媿東逝流  
故者或可掘新者亦易求  
所悲數奔竄白屋難久留

營屋

我有陰江竹能令朱夏寒  
陰通積水內高人浮雲端  
甚一作疑鬼物憑不顧翦伐  
殘東偏若面勢戶牖永可安  
愛惜已六載茲晨去千竿  
蕭蕭見白日洶洶開奔湍  
度



堂匪華麗養拙異考槃草茅雖雜葺衰疾方少寬洗然  
順所適此足代加餐寂無斤斧響庶遂憩息歡

除草

原注去蕪草也蕪音潛一云即  
罽麻一云山韭非大約是惡草

草有害於人曾何生阻修其毒甚逢蠱其多彌道周清  
晨步前林江色未散憂芒刺在我眼焉能待高秋霜露

一作  
雪

一露凝

一作  
衣

蕙葉亦難留荷鋤先童揮日入仍討

求轉致水中央豈無雙釣舟頑根易滋蔓敢使依舊丘

自茲

一作  
移

藩籬曠更覺松竹幽芟夷不可闕疾惡信如

讐

揚旗

原注二年夏六月成都尹嚴公置酒公堂觀騎士試新旗幟

江一作風

雨颯長夏府中有餘清我公會賓客肅肅有異

聲初筵閱軍裝羅列照廣庭庭空六

一作四

馬入駝駭揚

旗一作旆

旌回回偃飛蓋熠熠迸流星來纏

一作衝

風颯急

去擘山岳傾材歸俯身盡妙取略地平虹霓就掌握舒

卷隨人輕三州陷犬戎

廣德元年劔南節度高適不能軍吐蕃陷松維保三州

但

見西嶺青公來練猛士欲奪天邊城此堂不易升庸蜀

日已寧吾徒且加餐休適蠻與荆

太子張舍人遺織成褥段

客從西北來遺我翠一作織成開緘風濤湧中有掉尾

鯨逶迤羅水族瑣細不足名客云充君褥承君終宴榮

空堂魑魅一作魑魅走高枕形神清領客珍重意顧我非公

卿留之懼不祥施之混柴荆服飾定尊卑大哉萬古程

今我一賤老短一作短褐更無營煌煌珠宮物寢處禍所

嬰一作榮歎息當路子干戈尚縱橫掌握有權柄衣馬自

一作肥輕李鼎死岐陽實以驕貴盈來填賜自盡氣豪

已一作直阻兵皆一作昔聞黃金多坐見悔吝生奈何田舍翁受

此厚貺情錦鯨卷還客始覺心和平振我麤席塵媿客

茹一作飯藜羹史稱嚴武累年在蜀肆志逞欲恣行猛政窮極奢靡甫在幕下此詩特借以諷諭朋

友責善之道也

### 莫相疑行

男兒生無所一作生無成頭皓白牙齒欲落真可惜憶獻

三賦蓬萊宮自怪一日聲輝一作輝赫集賢學士如堵

牆觀我落筆中書堂往時文彩動人主此一作日飢寒

趨路旁晚將末契託一作節契年少當面輸一作論心背面笑

寄謝悠悠世上兒不一作莫爭好惡莫相疑

別蔡十四著作

賈生慟哭後寥落無其人安知蔡夫子高義邁等倫獻

書謁皇帝志已清風塵流涕灑丹極萬乘為酸辛天地

則創痍朝廷當多一作正臣異才復間出周道日惟新使

蜀見知己別顏始一伸主人薨城府謂嚴武扶櫬歸咸秦

巴道此相逢會我病江濱憶念鳳翔郡聚散俄十春我  
衰不足道但願子意一作音陳稍令社稷安自契魚水親  
我雖消渴甚敢忘帝力勤尚思未朽骨復覩耕桑民積  
水駕三峽浮龍倚長津一作輪困揚舫洪濤間仗子濟物身  
鞍馬下秦塞王城通北辰玄甲聚不散兵久食恐貧窮  
谷無粟帛使者來相因若憑一作逢南轅吏一作使書札到  
天垠

御定全唐詩卷二百二十

欽定四庫全書

御定全唐詩卷二百二十一

杜甫

杜鵑

西川有杜鵑東川無杜鵑涪萬一作南無杜鵑雲安有杜

鵑我昔遊錦城結廬錦水邊有竹一頃餘喬木上參天

杜鵑暮春至哀哀叫其間我見常再拜重是古帝魂生

子百鳥巢百鳥不敢嗔一作喧仍爲餒其子禮若奉至尊

鴻雁及羔羊有禮太古前行飛與跪乳識序如一作知

恩聖賢古

一作吾

法則付與

一作之

後世傳君看禽鳥情猶

解事杜鵑今忽暮春間值我病經年身病不能拜淚下

如遊泉

舊注上皇幸蜀還肅宗以李輔國離間遷之西內悒悒而崩此詩感是而作但首四句有無互

見不知何義夏竦謂是詩序亦無解黃希吳曾引樂府郭東亦有樵郭西亦有樵魚戲蓮葉東魚戲蓮葉西謂甫正用此格詩體則然義終難辨至王誼伯分指當時刺史尤穿鑿可笑

### 客居

客居所居堂前江後山根下塹萬尋岸蒼濤鬱飛翻蔥



青衆木梢邪豎雜石痕子規晝夜啼壯士斂精魂峽開

四千里水合數百源人虎相半居相傷終兩存蜀麻久

不來吳鹽擁荆門西南失大將

謂郭英又爲崔旰所殺

商旅自星

奔今又降元戎

時以杜鴻漸爲蜀帥

已聞動行軒舟子候利涉亦

憑節制尊我在路中央生理不得論臥愁病脚廢徐步

視小園短畦帶碧草悵望思王孫鳳隨其皇去雛雀暮

喧繁覽物想故國十年別荒

一作鄉

邨日暮歸幾翼北林

空自昏安得覆八溟爲君洗乾坤稷契易爲力犬戎何

足吞儒生老無成臣子憂四番

一作藩一作思翻

篋中有舊筆

情至時復援

客堂

憶昨離少城而今異楚蜀舍舟復深山窅窕一林麓棲

泊雲安縣消中內相毒舊疾甘載

一作戰一作再

來哀年得

一作

弱無足死爲殊方鬼頭白免短促老馬終望雲南雁意

在北別家長兒女欲起慙筋力客堂序節改具物對羈

束石暄蕨芽紫渚秀蘆筍綠巴鶯

一作稼

紛未稀微麥早

向熟悠悠日動江漠漠春辭木臺郎選才俊自顧亦已

極

嚴武奏甫為參謀檢校尚書工部員外郎

前輩聲名人埋沒何所得居然

綰章紱受性本幽獨平生憇息地必種數竿竹事業只

濁醪營葺但草屋上公

即指嚴武

有記者累奏資薄祿主憂

豈濟時身遠彌曠職循

一作修

文廟算正獻可天衢直尚

想趨朝廷毫髮禪社稷形骸今若是進退委行色

石研詩

原注平侍御者

平公今詩伯秀發吾所羨奉使三峽中長嘯得石研巨

璞禹鑿餘異狀君獨見其滑乃波濤其光或雷電聯坳  
各盡墨多水遞隱現揮灑容數人十手可對面比公頭  
上冠貞一作正質未爲賤當公賦佳句況得終清宴公舍  
起草安不遠明光殿致於丹青地知汝隨顧眄

水閣朝霽奉簡嚴雲安

一作雲安  
嚴明府

東城抱春岑江閣鄰石面崔嵬晨雲白朝旭一作日射芳

甸雨檻臥花叢風牀展書卷一作輕幔鉤簾宿鶯起丸藥流

鶯轉呼婢取酒壺續兒誦文選晚交嚴明府矧此數相

見

贈鄭十八賁

雲安令

溫溫士君子令我懷抱盡靈芝冠衆芳安得闕親近  
遭亂意不歸竄身跡非隱細人尚姑息吾子色愈謹高懷  
見物理識者安肯哂卑飛欲何待捷徑應未忍示我百  
篇文詩家一標準羈離交屈宋牢落值顏閔水陸迷畏  
一作長途藥餌駐修軫古人日以遠青史字不泯步趾詠  
唐虞追隨飯葵堇數杯資好事異味煩縣尹心雖在朝

謁力與願矛盾抱病排金門  
袞容豈爲斂

三韻三篇

高馬勿唾

一作  
唾

面長魚無損鱗  
辱馬馬毛焦  
困魚魚有

神君看磊落士不肖易其身

蕩蕩萬斛船影若揚

一作  
搖

白虹起檣必椎牛  
挂席集衆

功自非風動天莫置大水中

烈

一作  
列

士惡多門小人自同調  
名利苟可取殺身傍權

要何當官曹清爾輩堪一笑

青絲

青絲白馬用侯景事以比僕固懷恩

青絲白馬誰家子，麤豪且逐風塵起。不聞漢主放妃嬪，

肅代二宗曾兩放宮嬪

近靜潼關埽蠶蟻，殿前兵馬破汝時。十月

即爲齏粉期，未

一作不

如一作知

面縛歸金闕，萬一皇恩下

玉墀

近聞

永泰元年郭子儀與回紇約共擊吐蕃次年二月吐蕃來朝詩紀其事

近聞犬戎遠遁逃，牧馬不敢侵臨洮。渭水逶迤白日淨，

隴山蕭瑟秋雲高。崆峒五原亦無事，北庭數有關中使。

似聞贊普

吐蕃稱王爲贊普相爲大論小論

更求親舅甥和好應難棄

文成金城二公主先後降吐蕃

### 蠶穀行

天下郡國向萬城無有一城無甲兵焉得鑄甲作農器

一寸荒田牛得耕牛盡

一作得

耕一本有田字

蠶亦成不勞烈

士淚滂沱男穀女絲行復歌

### 折檻行

嗚呼房魏不復見秦王學士時難羨青衿胄子困泥塗



白馬將軍若雷電千載少似朱雲人至今折檻空嶙峋

婁公不語宋公語尚憶先皇容直臣

永泰二年以觀軍容使左監門衛大

將軍魚朝恩判國子監事故曰青衿胄子困泥塗白馬將軍若雷電當時大臣箝口效婁師德之畏避而不能

繼宋璟之忠諫故以折檻爲諷

### 引水

月峽瞿塘雲作頂亂石崢嶸俗無井雲安酤水奴僕悲  
魚復移居心力省白帝城西萬竹蟠接筒引水喉不乾  
人生留滯生理難斗水何直百憂寬

古栢行

此夔州諸葛廟栢即夔州十絕句所云武侯祠堂不可忘中有松柏參天長也

孔明廟前

一作塔

有老栢柯如青銅根如石霜

一作蒼

皮溜

雨

一作水

四十圍黛色參天二十尺君臣已與時際會樹

木猶爲人愛惜雲來氣接巫峽長月

一作日

出寒通雪山

白憶昨路繞錦亭

一作城

東先主武侯同閔宮崔嵬枝幹

郊原古窈窕丹青戶牖空落落盤踞雖得地冥冥孤高

多烈風扶持自是神明力正直原因造化功大厦如傾

要梁棟萬牛回首丘山重不露文章世已驚未辭翦伐

誰能送苦心豈免容螻蟻香

一作密

葉終

一作曹

經

一作驚宿

鸞鳳志士幽人莫怨嗟

一作傷

古來材大難爲

一作皆難

用

### 縛雞行

小奴縛雞向市賣雞被縛急相喧爭家中厭雞食蟲蟻  
不知雞賣還遭烹蟲雞於人何厚薄吾叱奴人解其縛  
雞蟲得失無了時注目寒江倚山閣

### 負薪行

夔州處女髮半華四十五十無夫家更遭喪亂嫁不售

一生抱恨堪

長一作

咨嗟土風坐男使女立應

男一作

當門

戶女出入十猶

有一作

八九負薪歸賣薪得錢應

當一作

供

給至老雙鬢

鏤一作

只垂頸野花山葉銀釵竝筋力登危

集市門死生射利兼鹽井面妝首飾雜啼痕地褊衣寒

困石根若道巫山女麤醜何得此

北一作

有昭君邨

邨連

有昭君宅宅旁有  
擣練石傍香溪

最可行

峽中丈夫絕輕死少在公門多在水富豪有錢駕大舸

貧窮取給行牒

音葉舟如葉也

小子小兒學問止論語大兒結

束隨商旅鼓帆側柁入波濤撇漩捎瀆無險阻朝發白

帝暮江陵頃來目擊信有徵瞿塘漫天虎鬚

一作眼

怒歸

州長年

蜀中呼柁師爲長年三老

行一作與

最能此鄉之人氣

一作器量

窄誤競南風疎北客若道土

一作士

無英俊才何得山有

屈原宅

宅在秭歸縣北

寄裴施州

裴冕坐李輔國貶施州刺史

廊廟之具裴施州宿昔一逢無此

一作比

流金鐘大鏞在

東序冰壺玉衡

一作珩

懸清秋自從相遇感

一作減

多病三

歲爲客寬邊愁堯有四岳明至理漢二千石真分憂幾

度寄書白鹽北苦寒贈我青羔

一作絲一作縑

裘霜雪回光避

錦袖龍蛇

一作蛟龍

動篋蟠銀鉤紫衣使者辭

一作辟

復命再

拜故人謝佳政將老已失子孫憂後來況接才華盛

華英

此句下有逸憶書樓碧池映七字

鄭典設自施州歸

吾憐滎陽秀冒暑初有適名賢慎所出

一作處

不肯妄行

役旅茲殊俗遠

還一作

竟以屢空迫南謁裴施州氣合無

險僻攀援懸根木登頓入天

一作

石青山自一川城郭

洗憂懣聽子話此邦令我心悅懌其俗則

一作

純樸不

知有主客溫溫諸侯門禮亦如古昔敕廚倍常羞

冕性修靡

好尚車服營珍饌

杯盤頗狼藉時雖屬喪亂事貴賞

一作

匹敵

中宵愜良會裴鄭非遠戚羣書一萬卷博涉供務隙他

日辱銀鉤森疎見矛戟倒屣喜旋歸畫地求

一作

所歷

乃聞風土質又重田疇闢刺史似寇恂列郡宜競惜

一作

借音

北風吹瘴癘羸老思散策渚拂蒹葭塞

一作寒

嶠穿

蘿蒿羸此身仗兒僕高興潛有激孟冬方首路強飯取

崖壁歎爾疲駘駘汗溝

馬中脊

血不赤終然備外飾駕馭

何所益我有平肩輿前途猶準的翩翩入鳥道庶脫蹉  
跌厄

柴門

孤

一作泛

舟登瀛西回首望兩崖東城乾旱天其氣如焚

柴長影沒窈窕餘光散唵呀大江蟠嵌根歸海成一家



下衝割坤軸竦壁攢鏌鄒蕭颯灑秋色氛一作氣昏霾日

車峽

一作峽廣溪乃三峽之首

門自此始最窄容浮查禹功翊造化

疏鑿就敲斜巨

一作巴

渠浚太古衆水爲長蛇風煙渺吳

蜀舟楫通鹽麻我今遠遊子飄轉混泥沙萬物附本性

約

一作處

身一作性

不願

一作欲

奢茅棟蓋一牀清池有餘花

濁醪與脫粟在眼無容嗟山荒人民少地僻日夕佳貧

病

一作賤

固其常富貴任生涯老於干戈際宅幸蓬華遮

石亂上雲氣杉清

一作青

延月

一作日

華賞妍又分外理愜

夫何誇足了垂白年敢居高士差書此豁平昔回首猶  
暮霞

貽華陽柳少府

繫馬喬木間問人野寺門柳侯披衣笑一作嘯見我顏色

溫並坐石下堂

一作堂下石一作石堂下

俛視大江奔火雲洗月露

絕壁上朝暾自非曉相訪觸熱生病根南方六七月出

入異中原老少多暍死汗踰水漿醜俊才得之子筋力

不辭煩指揮當世事語及戎馬存涕淚

一作流涕

濺我裳悲

氣

一作風

排帝閣鬱陶抱長策義仗知者論吾衰臥江漢

但媿識璵璠文章一小枝於道未爲尊起予幸斑白因

是託子孫俱客古信州

夔本梁信州

結廬依毀垣相去四五

里徑微山葉繁時危挹佳士沉免軍旅喧醉從趙女舞  
歌鼓秦人盆子壯顧我傷我驩兼淚痕餘生如過鳥故  
里今空邨

雷

大旱山岳焦密雲復無

一作覆如

雨南方瘴癘地惟此農事

苦封內必舞雩峽中喧擊鼓真龍竟寂莫土梗

土人也

空

俯僂

一作僂俯

吁嗟公私病稅斂不補故老仰面啼瘡痍

向誰數暴尪或前聞鞭巫非稽古請先偃甲兵處分聽

人主萬邦但各業一物休盡取水旱其數

一作數至

然堯湯

免親覩上天鑠金石羣盜亂豺虎二者存一端愆陽不

猶愈昨宵殷其雷風過齊萬弩復吹霾翳散虛覺神靈

聚氣喝腸胃融汗滋

一作濕

衣裳污

一作腐

吾衰尤

一作拙

拙

計

一作拙

失望築場圃

火

楚

一作焚

山經月火大旱則斯舉舊俗燒蛟

一作蛇

龍驚惶

致雷雨爆嵌魑魅泣崩凍嵐陰昝

西京賦赫昝昝以弘故昝赤文音户火焚

凍崩而嵐陰皆赤也

羅落沸百泓根源皆萬

一作太

古青林一灰燼

雲氣無處所入夜殊

一作珠

赫然新秋照牛女風吹巨燄

作河擢

一作澹

騰

一作勝

煙柱勢欲焚崑崙光彌焮

香斬切左

傳行火所焮矣也

洲渚腥至焦長蛇聲吼

一作吼爭

纏猛虎神物已

高飛不

一作只

見石與土爾寧要謗讞憑此近熒侮薄關

長吏憂甚味至精主遠遷誰撲滅將恐及環堵流汗臥  
江亭更深氣如縷

七月三日亭午已後較熱退晚加小涼穩睡有  
詩因論壯年樂事戲呈元二十一曹長

今茲商用事餘熱亦已未衰年旅炎方生意從此活亭

午減汗流北鄰耐人聒晚風爽烏匱

烏匱當作帽巾也  
至匱字乃匱匝鮑

昭詩銀屏匱匝甫詩馬頭金匱匝  
又盧杞匱匝取容俱不以言中

筋力蘇摧折閉目踰

十旬大江不止渴退藏恨雨師健步聞

一作供

旱魃園蔬

抱金玉無以供米掘密雲雖聚散徂暑終一作經衰歇前

聖春焚巫武王親救暍陰陽相主客時序遞回幹灑落

唯清秋昏霾一空闊蕭蕭紫塞雁南向欲行列歛思紅

顏日霜露凍階闔胡馬挾雕弓鳴弦不虛發長鉞箭雙

鉞一作及逐兔突羽當滿月惆悵白頭吟蕭條游俠窟

臨軒望山閣縹緲安可越高人鍊丹砂未念將朽骨少  
壯跡頗踈歡樂曾倏忽杖藜風塵際老醜難翦拂吾子  
得神仙本是池中物賤夫美一睡煩促嬰詞筆

牽牛織女

牽牛出河西織女處其東萬古永相望七夕誰見同神

光

一作  
仙

意

一作  
竟

難候此事終蒙隴颯然精靈合何必秋

遂通

一作  
逢

亭亭新妝立龍駕具曾空

一作  
穹

世人亦爲爾

祈請走兒童稱家隨豐儉白屋達公宮膳夫翊堂殿鳴

玉淒房櫛曝衣徧天下曳月揚微風蛛絲小人態曲綴

椒

一作

瓜果中初筵滾重露日出甘所終

一作  
從

嗟汝未嫁

女秉心鬱忡忡防身動如律竭力機杼中雖無姑舅事



敢昧織作功明明君臣契咫尺或未容義無棄禮法恩  
始夫婦恭小大有佳期戒之在至公方圓苟齟齬丈夫

多英

一作勿  
替丈夫雄

毒熱寄簡崔評事十六弟

大暑

一作火

運金氣荆揚不知秋林下有塌翼水中無行

舟千室但埽地閉關人事休老夫

一作大

轉不樂旅次兼

百憂蝮蛇暮偃蹇空牀難暗投炎宵惡明燭況乃懷舊

丘開襟仰內弟

一作第

執熱露白頭束帶負芒刺接居成

阻脩何當清霜飛會子臨江樓載聞大易義諷興一作咏

詩家流蘊藉異時輩檢身非苟求皇皇使臣體信是德

業優楚材擇杞梓漢苑歸驂駟短章達我心理爲一作待

識者籌

殿中楊監見示張旭草書圖

殿中監掌天子服御事楊監謂楊炎

斯人已云亡草聖祕難得及茲煩見示滿目一淒惻悲  
風生微綃萬里起古色鏘鏘鳴玉動落落羣松直連山  
蟠其間溟漲與筆力有練實先書臨池真盡墨俊拔爲

之主暮年思轉極未知張王後誰並百代則嗚呼東吳

精

李頎贈張顛詩皓首窮草隸時稱太湖精

逸氣感清識楊公拂篋筭舒卷

忘寢食念昔揮毫端不獨觀酒德

### 楊監又出畫鷹十二扇

近時馮紹正

官少府監善畫鷹鳥

能畫鷲鳥樣明公出此圖無乃

傳其狀殊姿各獨立清絕心有向

一作尚

疾禁千里馬氣

敵萬人將憶昔驪山宮冬移含元仗天寒大羽獵此物

神俱王當時無凡材百中皆用壯粉墨形似間識者一

惆悵干戈少暇日真骨老崖嶂爲君除狡兔會是翻一作

飛  
講上

送殿中楊監赴蜀見相公

杜鴻漸鎮蜀辟  
楊炎爲判官

去水絕還波洩雲無定姿人生在世間聚散亦暫時離

別重相逢偶然豈定

一作  
是

期送子清秋暮風物

一作  
動

長

年悲豪俊貴勲業邦家頻出師相公鎮梁益軍事無子  
遺解榻再見今用才復擇誰況子已高位爲郡得固辭  
難拒供給費慎哀漁奪私干戈未甚息紀綱正所持泛

舟巨石橫登陸草露滋山門日易久一作夕當念居者思

贈李十五丈別

李祕書文疑

峽人鳥獸居其室附層顛下臨不測江中有萬里船多

病紛倚薄少留改歲年絕域誰慰懷開顏喜名賢孤陋

忝未親等級敢比肩人生意一作氣頗一作合相與襟袂連一

日兩遣一作連僕三日一共一作共筵揚論展寸心壯筆過

飛泉玄成美價存子山舊業傳不聞八尺軀常受衆目

憐且爲辛苦行蓋被生事牽北回白帝擢南入黔陽天

汧公

李勉封汧國公

制方隅迴出諸侯先封內如太古時危獨

蕭然清高金莖

一作掌

露

一作莖掌

正直朱絲絃昔在堯四岳

今之黃潁川于邁恨不同所思無由宣山深水增波解

榻秋露懸客遊雖云久主要

一作亦思

月再圓晨集風渚亭

醉操雲嶠篇丈夫貴知己歡罷念歸旋

西閣曝日

凜冽倦玄冬負暄嗜飛閣羲和流德澤顓頊媿倚薄毛

髮具

一作且

自和

一作私

肌膚潛沃若太陽信深仁衰氣歛

有託歌傾煩注眼容易收病脚流離一作瀟木杪一作梢後

翩躑山顛鶴用

朋一作朋

知苦聚散哀樂日

亦一作亦

已作

昨一作昨

即事會賦詩人生忽如昨一作錯古來遭喪亂賢聖盡蕭

索胡爲將暮年憂世心力弱

課伐木

并序

課隸人伯夷幸

辛一作辛

秀信行等入谷斬陰木人日

四根止維條伊枚正直挺然晨征暮返委積庭內

我有藩籬是缺是補載伐篠蕩伊仗

一作杖

支持則

旅次於小安山有虎知禁若恃爪牙之利必昏黑

檜

一作檜  
一作塘

突夔人屋辟列

一作例

樹白菊

一作菊

鏝爲

牆實以竹示式過爲與虎近混淪乎無良賓客憂

一作齒

害馬之徒苟活爲幸可嘿息已作詩示宗武

一作文  
誦

長夏無所爲容居課奴

一作童

僕清晨飯其腹

一作腸

持斧

入白谷青冥曾巔後十里斬陰木人肩四根已亭午下

山麓尚聞丁丁聲功課日各足蒼皮成委積

一作積委

素節



相照燭藉汝跨小籬當仗

一作杖一作材

苦

一作若

虛竹空荒咆

熊羆乳獸待人肉不示知禁情豈惟干戈哭城中賢府

主

當是柏都首茂琳

處貴如白屋蕭蕭理體淨蠹不敢毒虎

穴連里閭防舊風俗泊舟滄江岸久客慎所觸舍西

崖嶠壯雷雨蔚含蓄牆宇資屢

一作累

修衰年怯幽獨爾

曹輕執熱爲我忍煩促秋光近青岑季月當泛菊報之  
以微寒共給酒一斛

### 園人送瓜

江間雖炎瘴瓜熟亦不早柏公鎮夔國滯務茲一作資一

埽食新先戰士共少及溪一作窮老傾筐蒲鵠青滿眼顏

色好竹竿接嵌竇引注來鳥道沈浮亂水玉愛惜如芝

草落刃嚼冰霜開懷慰枯槁許以秋蒂除仍看小童一作

兒抱一作飽東陵一作溪跡蕪絕楚漢休征討園人非故侯

種此何草草

信行遠修水筒原注引水筒

汝性不如葦清靜僕夫內秉心識本一作根源於事少滯

礙雲端水筒圻林表山石碎觸熱藉子修通流與廚會  
往來四十里荒險崖谷大日曛驚未餐一作食貌赤媿相  
對浮瓜供老病裂餅嘗所愛於斯荅恭謹足以殊殿最  
詎要方士符何假將軍蓋一作佩行諸直如筆用意崎嶇

外

槐葉冷淘

青青高槐葉采掇付中廚新麪來近市汁滓宛相俱入  
鼎資過熟加餐愁欲無碧鮮俱照箸香飯兼苞蘆經齒

冷於雪勸人投此

一作比

珠願隨金駃褭走置錦屠蘇

又作

屠蘇平屋也又酒名屠蘇昔人居屠蘇造酒故名

路遠思恐泥興深終不渝獻

芥則小小薦藻明區區萬里露寒殿開冰清玉壺君王

納涼晚此味亦時須

行官張望補稻畦水歸

行官是行田者韓愈書有行官自南來

東屯大江北

一作枕大江

百頃平若案六月青稻多千畦碧

泉亂插秧適云已引溜加溉灌更僕往方塘浚渠當斷

岸公私各地著浸潤無天旱主守問家臣分明

一作見

溪伴

一作畔

芊芊

一作芊芊  
一作芊芊

炯翠羽剡剡生

一作向

銀漢鷗

烏鏡裏來關山雲邊看秋菰成黑米精鑿

一作穀

傳一作傳

白粲

漢書注擇米使白粲粲然

玉粒足晨炊紅鮮

江浙以紅米爲紅鮮

任霞散

終然添旅食作苦期壯觀遺穗及衆多我倉戒滋蔓

### 催宗文樹雞柵

吾衰怯行邁旅次展崩迫愈風傳烏雞秋卯方漫喫自

春生成者隨母向百翮驅趁制不禁喧呼山腰宅課奴

殺青竹終日憎

一作增  
一作帽

赤幘

搜神記一書生明術數夜半宿安陽城南亭有赤幘

者過生曰此西舍老雄雞也

蹋藉盤案翻塞蹊使之隔牆東有隙一作

間散地可以樹高柵避熱時來

一作未

歸問兒所爲跡織籠

曹其內令入不得擲稀間可

一作若

突過葡萄爪

一作距

還汚

席我寬螻蟻遭彼免狐貉厄應宜各長幼自此均勅敵

籠柵念有修近身見

一作知

損益明明領處分一一當剖

折不昧風雨晨亂離減憂感其流則凡鳥其氣心匪石

倚賴窮歲晏撥煩去

一作及

冰釋未似尸鄉翁

祝雞翁居洛陽尸鄉

北山下 拘留蓋阡陌

園官送菜

并序

園官送菜把本數日闕矧苦苴馬齒掩乎嘉蔬傷  
小人妒害君子菜不足道也比而作詩

清晨蒙

一作送

菜把常荷地主

即送瓜詩  
柏都督

恩守者愆實數

略有其名存苦苴

一名  
編苴

刺如鍼馬齒

莧類

葉亦繁青青嘉

蔬色埋沒在

一作  
自

中園園吏未足怪世事固

一作  
因

堪論

嗚呼戰伐久荆棘暗長原乃知苦苴輩傾奪蕙草根小  
人塞道路爲態何喧喧又如馬齒盛氣擁葵荏昏點染

不易虞絲麻雜羅紈一經器

一作氣

物內永挂麤刺痕志

士采紫芝放歌避戎軒哇丁負籠至感動百慮端

上後園山脚

朱夏熱所嬰清旭

一作旦

步北林小園背高岡挽葛上崎

崆曠望延駐目飄颻散疎襟潛鱗恨水

一作川

壯去翼依

雲深勿謂地無疆劣於山有陰石椽

音原其皮可療飢

徧天下

水陸兼浮沈自我登隴首十年經碧岑劔門來巫峽薄

倚

一作倚薄

浩至今故園暗戎馬骨肉失追尋時危無消息



老去多歸心志士惜白日久客藉黃金敢爲蘇門嘯庶  
作梁父吟

驅豎子摘蒼耳

即卷耳

江上秋已分林

一作村

中瘴猶劇畦丁告勞苦無以供日

夕蓬莠獨

一作猶

不焦野蔬暗泉石卷耳况療風童兒且

一作僕先

時摘侵星驅之去爛熳任遠適放筐亭

一作當

午際

洗剝相蒙幕登牀半生熟下箸還小益加點瓜齏間依

稀橋

一作木

奴跡亂世誅求急黎民糠粃窄飽食復何心

荒哉膏粱客富家厨肉臭戰地骸骨白寄語惡少年黃  
金且休擲

秋行官張望督促東渚耗一作刈稻向畢清晨遣

女奴阿稽豎子阿段往問

東渚雨今足佇聞稷稻香上天無偏頗蒲稗各自長人  
情見非類田家戒其荒功夫競搨搨除草置岸旁穀者  
命之一作令士本容居安可忘青春具所務勤懇免亂常吳  
牛力容易並驅去聲動莫當一作紛豐苗亦已概一作溉雲

水照方塘有生固蔓延靜一資隄防督領不無人提攜

一作挈

頗在綱荆揚風土暖肅肅候微霜尚恐主守疎用

心未甚臧清朝遣婢僕寄語踰崇岡西戎聚必散不獨  
陵我倉豈要仁里譽感此亂世忙北風吹蒹葭蟋蟀近  
中堂荏苒百工休鬱紆遲暮傷

阻雨不得歸灤西甘林

三伏適已過驕陽化爲霖欲歸灤西宅阻此江浦深壞  
舟百版坼峻岸復萬尋篙工初一棄恐泥勞寸心佇

一作

倚立東城隅，悵望高飛禽。草堂亂懸圃，不隔崑崙岑。昏  
渾衣裳外，曠絕同層陰。園甘長成時，三寸如黃金。諸侯  
舊上計，厥貢傾千林。邦人不足重，所迫豪吏侵。客居暫  
封殖，日夜偶瑤琴。虛徐五株態，側塞煩曾襟。焉得一作能  
輟兩一作兩足杖藜，出峴嶽。條流數翠實，偃息歸碧潯。拂  
拭烏皮几，喜聞樵牧音。令兒忭搔背，脫我頭上簪。

雨

一本合下二  
首作雨三首

峽雲行清曉，煙霧相裊回。風吹蒼江樹，一作去雨灑石壁。

來淒淒生餘寒殷殷兼出一作山雷白谷變氣候朱炎安

在哉高鳥濕不下居人門未開楚宮久已滅幽佩爲誰

哀侍臣書王夢賦有冠古才冥冥翠龍穆天子駕多自馬名

### 巫山臺

#### 雨二首

青山澹無姿白露誰能數片片水上雲蕭蕭沙中雨殊

俗狀巢居曾臺俯一作附風渚佳客適萬里沈思情延佇

挂帆遠色外驚浪滿吳楚久陰蛟螭出寇盜一作冠蓋復幾

許

空山中宵陰微冷先枕席迴風起清曙

一作曉

萬象萋已

碧落落出岫雲渾渾倚天石日假何道行雨含長江白

連檣荊州船有士荷矛戟南防草鎮慘霑濕赴遠役羣

盜下辟山總戎備強敵水深雲光廓鳴櫓各有適漁艇

息

一作自

悠悠夷歌負樵客留滯一老翁書時記朝夕

晚登灤上堂

故躋灤岸高頗免崖石擁開襟野堂豁繫馬林花動雉

堞粉如

一作似

雲山田麥無壠春氣晚更生江流靜猶湧

四序嬰我懷羣盜久相踵黎民困逆節天子渴垂拱所

思注東北深峽轉修聳衰老自成病郎官未爲冗淒其

望呂葛不復夢周孔濟世數嚮時斯人各枯冢

指房琯張錫巖

武之流

楚星南天黑蜀月西霧重安得隨烏翎迫此懼將

恐

又上後園山脚

昔我遊山東憶戲東嶽陽窮秋立日觀矯首望八

一作北

荒朱崖

在南海中

著毫髮碧海吹衣裳尊收

金神主秋

困用事玄

冥

水神主冬

蔚強梁逝水自朝宗鎮名

一作石

各其方平原獨

顛頽農力廢耕桑非

一作北

關風露凋曾是戍役傷於時

國用富足以守邊疆朝廷任猛將遠奪戎虜場

追感安祿山討

奚契丹及反亂之事

到今事反覆故老淚萬行龜蒙不復見況乃

懷舊

一作故

鄉肺萎屬久戰骨出熱中腸憂來杖匣劍更

上林北岡瘴毒援烏落峽乾南日黃秋風亦已起江漢  
始如湯登高欲有往蕩析川無梁哀彼遠征人去家死



路旁不及祖父塋纍纍冢相當

雨

山雨不作塗江雲薄爲霧晴飛半嶺鶴風亂平沙樹明  
滅洲景微隱見巖姿露拘悶出門遊曠絕經目趣消中  
日伏枕臥久塵及屨豈無平肩輿莫辨望鄉路兵戈浩  
未息蛇虺反相顧悠悠邊月破鬱鬱流年度鍼灸阻朋  
曹糠粃對童孺一命須屈色新知漸成故窮荒益自卑  
飄泊欲誰訴尪羸愁應接俄頃恐違一作迂浮俗何萬

端幽人有獨

一作高

步龐公竟獨往尚子終罕遇宿留洞

庭秋天寒瀟湘素杖策可入舟送此齒髮暮

甘林

舍舟越西岡入林解我衣青芻適馬性好鳥知人歸晨  
光映遠岫夕露見日晞遲暮少寢食清曠喜荆扉經過  
倦俗態在野無所

一作或

違試問甘藜藿未肯羨輕肥喧

靜不同科出處各天機勿矜朱門是陋此白屋非明朝  
步鄰里長老可以依時危賦斂數脫粟爲爾揮相攜行

豈田秋花靄菲菲子實不得喫貨市送王畿盡添軍旅  
用迫此公家威主人長跪問一作辭戎馬何時稀我衰易  
悲傷屈指數賊圍勸其死王命慎莫遠奮飛

雨

行雲遞崇高飛雨靄而至潺潺石間溜汨汨松上駛亢  
陽乘秋熟百穀皆一作亦已棄皇天德澤降焦卷有生意

前雨傷卒暴今雨喜容易不可無雷霆間作鼓增氣佳  
聲達中宵所望時一致清霜九月天髣髴見滯穗郊扉

及我私

一作栽耘

我圃日蒼翠恨無抱甕力庶減臨江費

舊注

峽內無井取江水喫

種蒿苴

并序按蒿苴江東名蒿筍

既雨已秋堂下理小畦隔種一兩席許蒿苴向二

旬矣而苴不甲坼伊人

一作獨野

覓青青傷時君子或

晚得微祿輒不進因作此詩

陰陽一錯

一作屯

亂驕蹇不復理枯旱於其中災方慘如

燬植物半蹉跎嘉生將已矣雲雷歛奔命師伯集所使

指麾赤白日瀕洞青光

一作雲色

起雨聲先已

一作以

風散足

盡西靡山泉落滄江霹靂猶在耳終朝紆颯杳信宿罷

瀟灑堂下可以哇呼童對經始迄今蔬之常隨事藝其

子破塊數席間荷鋤功易止兩旬不甲坼空惜埋泥滓

野覓迷汝來宗生

吳都賦宗生高岡

實於此此輩豈無秋亦蒙

寒露委醜然出地速滋蔓戶庭毀因知邪干正掩抑至

沒齒賢良雖得祿守道不封已擁塞敗芝蘭衆多盛荆

杞中園陷蕭艾老圃永爲恥登於白玉盤藉以如霞綺

覓也無所施胡顏入筐篚

暇日小園散病將種秋菜督勒

一作勤

耕牛兼書

觸目

不愛入州府畏人嫌我真及乎歸茅宇

一作及歸在茅宇

旁舍

未曾嗔老病忌

一作忌

拘束應接喪精神江村意自

一作日

放林木心所欣秋耕屬地濕山雨近甚勻冬菁飯之半

牛力晚

一作曉

來新深耕種數畝未甚後四鄰嘉蔬既不

一名數頗具陳荆巫非苦寒采擷接青春飛來兩白鶴

暮啄泥中芥雄者左翮垂損傷已露

一作及


筋一步再流

血尚經

一作驚

增繳勤三步六號叫志屈悲哀頻驚皇不

相待側頸訴高旻杖藜俯沙渚爲汝鼻酸辛



御定全唐詩卷二百二十一